



Tsakani na vampopi va timandzi

Hlongwani Hlongwani

Tebogo Boikanyo Matshana



Tsakani na vampopi va timandzi

Hlongwani Hlongwani

Tebogo Boikanyo Matshana



Khale wa khaleni, etikweni leri a ku ri na titshava letikulu eka Mbhokota, a ku tshama nhwana loyi a va ku i Tsakani.

Tsakani a nga ri na vanghana, a dlaya hi xivundza.

A lava munhu loyi a ta vumba na yena, ku endla mapoto, tikhapu na tihomu. A ku ri hava loyi a huhwa na yena.



Kokwana va swi lemukile kutani a anakanya, “Tsakani u tshamela ro tlanga hi maribye masiku hinkwawo. Leswi a swi kahle. Ndzi ta anakanya ku endla swin’wana.

Kokwana a swikota ku vatla. A swikota ku vatla tindlopfu letikulu, ku vatla vanhu va ndhuma.

Kokwana a ta endla swivatliwa swa swilo hinkwaswo leswi a swi anakanya.



Loko Tsakani a ri karhi a tlanga hi maribye, Kokwana a ri karhi a vatla mpopi.

Mpopi a wu swikota ku tshama na ku famba ntsena loko wu ri kusuhi na Tsakani.

“Kokwana, ku hava wo fana na wena.” ku vula Tsakani hi ntsako loko a vona mpopi wa yena.



Kokwana u n'wi siyile na mpopi wa yena ku ya basisa yindlu.

Tsakani a tsakile swinene loko a ri karhi a huhwa hi mpopi. Hi nkarhinyana, a tlhela a tikuma a ri na xivundza.

Mpopi a wu kota tsena ku tshama na ku famba kambe a wu nga vulavuli. A ku ri hava wo vulavula na yena.



Nakambe, Kokwana u endlile mpopi lowu a wu famba, tshama na ku vulavula.

Tsakani a tsakile swinene. A tlhela a cina ncino wa ku hlula. A ku, "Kokwana, u tlula hinkwavo wena, ndzi tsakile swinene."

Va tlangile swin'we ku fikela loko ripela.



Kambe mpopi a wu nga swikoti ku cina, naswona Tsakani a rhandza ku cina.

A rhandza ku cina ncino wo kombisa ku tsaka, ncino wo hlula na xibelani.

A lava ku yisa xisuti hala na hala, hayi a ri yexe, kambe na munghana wa yena wo vatliwa. A ku ri hava wo tlanga na yena.



Kokwana a kota ku endla hinkwaswo, hi vumba na hi timhandzi.

Kutani u endlile mpopi wun'wana wo saseka, lowu a wu ambale vuhlalu na mabendlele, naswona mpopi lowu a wu ambarile xibelani.

Mpopi a wu ambale swiambalo swa muhlovohlovo. A wu famba, wu tshama, wu vulavula, na ku cina.



N'wampopi na Tsakani va yingiserile tinsimu swin'we, na ku cina swin'we.

Ku sukela siku rero loko a nga ri exikolweni, Tsakani a tlanga na mpopi leyi Kokwana a yi endleke.

Tsakani a ha ri hava xivundza nakan'we.



Loko Kokwana a vona leswi Tsakani a tsakise xiswona, u vatlile mimpopi eka vana hinkwavo va le tikweni.

U tlhele a vatla swivatliwa swotala swo khavisa.

Misava hinkwayo yi vona mitirho yo saseka ya mavoko ya Kokwani.



Ulwazi Lwethu is a Zenex Foundation funded and initiated project to develop a series of graded and leisure African language readers and teacher support materials. This project is targeted at teaching and supporting learners in the Foundation Phase to improve their home language reading and understanding. The readers have been originated in nine African languages in collaboration with Molteno Institute for Language and Literacies, Nelson Mandela Institute for Education and Rural Development, Room to Read South Africa, and Saide. All resources are developed as Open Education Resources (OER).



NELSON MANDELA
INSTITUTE FOR
EDUCATION AND
RURAL DEVELOPMENT



Room to Read®
World Change Starts with Educated Children®

Your attribution should include the following:

Title: Tsakani na vampopi va timandzi

Author/s: Hlongwani Hlongwani


Illustrator/s: Tebogo Boikanyo Matshana

Assurer/s: Bongani Maluleke

Language: Xitsonga

© Zenex Foundation - Saide 2023

CC BY includes the following elements:

BY  - Credit must be given to the creator

